

OLAN'NY JIRAMA

Mifampihantsy Me Hanitra sy ny Ministra Andry Gôly

Manoloana ny olana misy ao anivon'ny orinasa Jirama amin'izao fotoana, mifampihantsy amin'ny tambazotran-tserasera facebook amin'izao fotoana ny depioite Me Hanitra Razafimantansoa sy ny Ministry ny angôvo Andry Ramaroson, na ny ministra Andry Gôly. Nanambara tamin'izany ity ministra ity fa: "omeko tsiky kely aloha fa misy dia tena lagy be amiko mihitsy. Tezitra amiko hono Me Hanitra fa manao entretien ireo tale mpitantana ambony ao amin'ny Jirama aho. Izay vao tena azoko fa atahorany ho tratrako izany izay mercenaire ampiasainy higafy ahy ao. Misaotra Maitre namome sopapa al!" Ny valiny nataon'i Me Hanitra kosa mahakasika izany dia ny hoe: "ingahy Andry Gôly, minisitre chargé de la Jiramaty, miaino tsara Miara-Manonja rehefa avy eo! kouny an!"

Mikasika ity raharaha ity, tsy mahavaha olana ny fitondrana Rajoelina sy ity ministra ity, samy mahita ny rehetra, fa 3 taona sy tapany izay ny fitondrana Rajoelina no teo, tsy voavaha ny delestazy, tsy tanteraka ny fampantanenana izay nataony. Ny hita sy tsapa, tsy tanteraka ilay fampantanenana natao dia mitady " fusible" vaovao ny fanjakana, ka any amin'ny mpiasa no anontanony ny rihatra. Ny ministra ihany koa moa ilaozany manao selfie mizara "lampadaires" mitety tanâna, tsy izany anefa no tena asany, misy mpivarotra tokony hi-



Ny depioite Me Hanitra, sy ny ministra Andry Gôly.

sahana izany fitsinjarana izany, ny depioite sy ny fikambanana koa afaka manao an'izany. Iza no tsy mahalala, fa mameleona ireo karana manana gropy miasa ao ny Jirama ary efa tamin'ny tetezamita io fanapotehana io, raha nanana ambimbava ny Jirama ny taona 2008 tamin'ny fitondran'ny filoha Marc Ravalomanana, ary mbola fanapotehana koa ity fizazarana fitantana isaky ny ambaratonga ity.

Niaina

Sendikan'ny mpiasan'ny Jirama

Tsy manaiky ny fanilihana andraikitra ataon'ny ministra



Ireto avy amin'ny sendikan'ny mpiasan'ny Jirama.

raka baiko fotsiny hoy ihany ny fanambaranana. Ho foana ve ny delestazy raha hanova tale foana? Ny minisitra no tompon' andraikitra voalohany, izy ihany no efa nanao tombana tamin'ny volana

martsa, ary izy no nanendry. Izy indray no manratsy ny mpiara-miasa. Tsy olana ny tombana, fa ny fanalam-baraka sy fapanarihana ny sarin'ny mpiasa no tsy ekena, hajao ny zon'ny mpiasa.

Stefy

Zakany ve raha hisy ny tombana ataonay aminy dia hapatitakay hoy hatrany ireto sendikalista ao amin'ny Jirama ireto. Misy foana ny tombana, efa fanao, fa tokony ho tsiambaratelo na "secret professionnel" ao anatin'ny orinasa izany, satria tandindonin-doza ilay olona. Ity ministra ity mihitsy moa no tsy mahafehy ny asany, vao andro maromaro lasa izy izay no nobehan'ny filoha Rajoelina tamin'ny filazany fa mety amin'ny 2026 vao mety ho foana ny delestazy, ity ministra ity anefa nilaza fa amin'ny faran'ny taona ity dia tsy hisy intsony izany fahatapatapahan-jiro izany.

Stefy

Ny Valosoa

Tafika amerikana aty Afrika

Mitsidika eto amintsika ny mpitarika eo anivon'ny fibaikoana



Ny Jeneral Peter Bailey, sy ny Minisitry ny Fiarovam-pirenena ny Jeneral Richard Rakotonirina.

olana iombonan'i Madagasikara sy Etazonia eo amin'ny sehatry ny fandriampahalemanasy ny filaminana eo amin'ny Etazonia sy i Madagasikara. Tanjona iombonana eo amin'ny governemanta amerikana sy ny hery fiarovana, ny governemanta ary ny fiaraha-monim-pirenena Malagasy ny ady amin'ny fandikan-dalana iraisam-pirenena. Hanatrana izany tanjona izany no nihaonan'ny Jeneral Peter Bailey, Tale lefitra misahana ny paikady sy ny asa ary ny fandaharanasa eo anivon'ny Fibakoana ny tafika amerikana mitoby aty Afrika (USAFRICOM), tamin'ny Minisitry ny Fiarovam-pirenena, ny Jeneral Richard Rakotonirina, ny alakamisy teo. Nodiniana tamin'izany ireo

doza. I Etazonia dia mijoro eo anilan'ny governemanta Malagasy toy ny mpirahalahy mianala, hiatrehana ireo ambana amin'ny filaminana sy ny fandrosoan'ny vahoaka Malagasy. Nanolotra sa-kafo efa vonona mitentina 1 600 000 dolara ny USAFRICOM hiadiana amin'

Isambilo

ny tsifanjariansakafo any Atsimo. Ny USAFRICOM dia miara-miasa amin'i Madagasikara hanafisana ny filaminana an-dranomasina, amin'ny alalan'ireo fanazarana isan-taona iarahana amin firenena maro toy ny Cutlass Express. Etsy andaniny ny USAFRICOM dia nanome fianarana sy fiofanana miaramila antisoina hoe IMET, ho an'ny mpitarika sivily sy miaramila Maherin'ny 160 ha-tramin'ny taona 2017 no mankaty ary tombana ho 3 600 000 dolara ny sandan'izany. Etazonia dia manana fijery miabo ny amin'ny hitohizan'ny fiaraha-miasa sy fiaraha-miombon'antoka amin'i Madagasikara eo amin'ny sehatry ny fiarovana.

Isambilo

Ny Valosoa sy fakafaka

Ataon'ny fitondrana Rajoelina sorona ny Malagasy 27 tapitriza

Toa ataon'ny fitondrana Rajoelina sorona amin'izao fo-toana ny Malagasy 27 tapitriza. Ny nisafidianan'ny Malagasy nanameloka dia avy eo toa tsy manameloka indray ny Rosiana amin'ny ady any Ukraina, dia misy fiantraikany amin'ny fifandraisana amin'ny any ivelany ho antsika, indrindra ny momba ny resaka famatsiam-bola. Ny fisafidianan'ny fitondrana ny Rosiana sy ny fanafarana fitaovalam-piadiana any, na tiana na tsy tiana dia misy fiantraikany amin'ny tandrefana, izay tena mpamatsy vola be ho an'ny fampandrosoana sy ny sozialy aty amin'ny tany mahantara toa antsika eto Madagasikara. Naleon'ny fitondrana Rajoelina tokoa nisafidy ny hikarakara ny fitaovana antitra an'ny tafika izay tany amin'ny Rosiana, anamafisany ny fahefany, toy izay hitsinjo ny loharanombola enti-miady amin'ny fahantana avy amin'ny alalan'ireo famatsiam-bola samihafa mbola ilain'ny be sy ny maro amin'izao fahantrana lalina misy eto amin'ny firenena izao. Andanin'izany anefa, ny sisin-tany aza tsy voaaro, efa firifiry izay harem-pirenenena tsy hita nanjavonana izay, noho ny si-sintany mibanaka araka ny fitenin-jatovo azy. Ny fandriampahalemana na an-tanàndehibe na ambanivo-hitra tsy voafehy, maro no efa maty vokatr'izay tsy fandriampahalemana izay.

Ireto mpitandro filaminana misy no nitifitra sy namono vahoaka. Tsy ady atrehina tsy fahavalo manafika, fa dia natevenina ny fitaovan'ny foloalindahy, safidy diso amin'ny fitantanam-pirenenena izany. Vokatry ny tsy fahaiza-mitantana, sy ny diplomasia tsy mandeha amin'ny laoniny izay, hiala eto amintsika ny Nôrvêziana, ny Amerikana miahiahy, ireo mpiara-miombon'antoka mampitahotra tsy hamatsy vola ny fidifidianana ho avy eto amintsika. Ny famatsiam-bola avy any ivelany, nihantona amin'ny ankabopeny ny volana septambra lasa teo. Dia mbola milaza ihany izao fitondrana izao, fa tsara toerana hono, satria nahavita kianja sy sekoly manarapenitra, ny ankamaroan'ny vahoaka anefa tena ao anaty fahantrana, tsy ny any atsimon'ny Nosy ihany, tsy ny any ambanivo-hitra ihany, fa an-drenivo-hitra koa ary saika manerana ny Nosy izany tsy fahampian'ny am-pelatanana izany ho an'ny maro.

Ny Valosoa

TONONKALO

Ny tena maika aminay vahoaka madinika

Aminay ny tena maika dia izao , izao ihany:
Ny hanananay sakao fa tsy handry fotsy intsony.
Vary iray vilia dia ampy sy izay laoka ho amin'izany,
Tsy ilana aingitraingitra hanokafana vavony.

Aminay ny tena maika dia izao , izao ihany:
Ny mba handry fahalemana sy tsy hanam-panahiana,
Ny hamongorana dahalo sy ny asa fandrobany,
Ka hanananay indray ny zotom-po sy fitaliana !

Aminay ny tena maika dia izao , izao ihany:
Ny hiverenanay hiasa fa tsy hidonana-poana.
Adidinao rafanjakana ny hijereny ny amin'izany,
F'aza dia ny hoerahoera no andaniana ny fotoana !

Aminay ny tena maika dia izao , izao ihany:
Tsy handovam-bola intsony ny hotalim-panjakana.
Ireto no tena hetahetanay vahoaka ety ambany
Ka raha toa re tsy ho vita : apetraho ny fialana !

Tsy filam-boatsiary akory no hitenenana an'izany
Raha mahitsy ny fiteny fa tsy asiana olakolaka.
Hifarana ny taom-piasana , folo volana any ho any,
K'aoaka tsy ho lany andro mbola hanabe takolaka !